

242A

S. AUGUSTINI EPISCOPI ET CONFESSORIS.

Duplex.

Omnia de Communi Confessoris Pontificis, præter sequenti.

In Hymno *Iste Confessor* mutatur tertius versus.

Oratio.

Deus, qui Anglorum gentes, prædicatione et miraculis beati Augustini Confessoris tui atque Pontificis, verae fidei luce illustrare dignatus es: concede; ut ipso interveniente, errantium corda ad veritatis tuæ redeant unitatem, et nos in tua simus voluntate concordes. Per Dominum...

IN I. NOCTURNO.

Lectiones de Scriptura occurrente.

LECTIO IV.

Augustinus Romæ in Lateranensi coenobio monachus, a Gregorio Magno cum sociis monachis fere quadraginta in Angliam missus est anno quingentesimo nonagesimo septimo, ut gentes illas ad

Cristum converteret. Erat eo tempore rex Ethelbertus in Cantio potentissimus, qui audita adventus Augustini causa, eum cum sociis Cantuariam, sui regni metropolim, invitavit; ibique manendi et Christum prædicandi facultatem einde liberaliter concessit. Quare sanctus vir prope Cantuariam oratorium extruxit, ubi ipse aliquamdiu consedit, atque Apostolicam vivendi rationem cum suis æmulatus est

¶ Inveni David...

LECTIO V.

Cælestis doctrinæ prædicatione plurimis firmata miraculis, ac vitæ exemplo sic insulanos illos demulsit, ut eorum plerisque ad Christianam fidem perduxerit, ac demum regem ipsum, quem cum in numero suorum comitatu sacro fonte lustravit, summa cum lætitia Berthæ regiæ uxoris, quæ christiana erat. Olim in Natâli Domini, cum decem

millibus et amplius baptismum in álveo flúminis Eborá-ci contulisset, quoque ex iis morbo álquo affécti erant, cum ánimæ salúte, corporis quoque sanitátem recepisse memóriæ próditum est Jussu Gregórii ordinátus Episcopus, sedem Cantuáriæ instituit in Ecclesiá Salvátoris a se erécta, in qua mónachos óperis sui subsidiários colócávit; et sancti Petri monastérium, quod póstea et a suo nómine dictum est, in suburbánis constrúxit Idem Gregórius usum Pallii cum facultáte ecclesiásticæ hierarchiæ in Angliá instituéndæ ei concéssit, quo novam etiam operariórum manum misit, nempe Mellitum, Justum, Paulinum, et Rufiniárum.

¶. Pósuit adjutórium...

LECTIO VI.

Dispósitis ejus Ecclesiæ rebus, synodum hábuit Augustinus cum Episcopis atque Doctóribus vétérum Britónum, qui in Paschæ celebratióne ali-

isque ritibus ab Ecclesia Romaná jamdúdum dissidébant. Sed cúm eos neque Apostólicæ Sedis auctoritáte, neque miraculis movére posset ut dissidio cessárent, prophético spiritu eis excidium prænuntiávit Dénique máximis pro Christo exantlátiis labóribus, miraculis clarus, cúm Mellitum Londinénsi Ecclesiæ præfecisset, Justum Roffénsi, suæ Laurentium, in cælum migrávit séptimo kaléndas Junias, Ethelbértó regnánte, ac sepúltus est in Monastério sancti Petri, quod exínde Cantuariénsium Antístitum et álquot Regum conditórium fuit. Ejus cultum fervénti studio prosecutæ sunt Anglórum gentes, ac Leo Décimus tertius Póntifex Máximus ejus Officium et Missam ad univérsam exténdit Ecclesiám.

¶. Iste est qui ante ..

IN III. NOCTURNO.

Lectiones de Homilia in Evangel. *Designávit Dóminus* de Comm. Evangel

MALACÆ.

ET OFFICINAM OLIM MARTINEZ DE AGUILAR.
TIPOGRAPHI BIBLIOPOLÆ, NUNC AUTEM AMBROSII RUBIO
EJUS SUCCESSORIS.

